



Comhairle an  
Aontais Eorpaigh

An Bhruiséil, 7 Nollaig 2023  
(OR. en)

---

---

Comhad Idirinstitiúideach:  
2023/0447(COD)

---

---

16406/23  
ADD 1

VETER 111  
AGRI 793  
AGRILEG 339  
CODEC 2410

## TOGRA

|                           |                                                                                                                                                                 |
|---------------------------|-----------------------------------------------------------------------------------------------------------------------------------------------------------------|
| ó:                        | Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir                                                                                   |
| dáta a fuarthas:          | 7 Nollaig 2023                                                                                                                                                  |
| chuig:                    | Thérèse BLANCHET, Ardrúnaí Chomhairle an Aontais Eorpaigh                                                                                                       |
| Uimh. an doic. ón gCoim.: | COM(2023) 769 final ANNEXES 1 to 3                                                                                                                              |
| Ábhar:                    | IARSCRÍBHINNÍ a ghabhann leis an Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE maidir le leas madraí agus cat agus a n-inrianaitheacht |

Gheobhaidh na toscaireachtaí i gceangal leis seo doiciméad COM(2023) 769 final ANNEXES 1 to 3.

---

Faoi iamh: COM(2023) 769 final ANNEXES 1 to 3



AN COIMISIÚN  
EORPACH

An Bhruiséil, 7.12.2023  
COM(2023) 769 final

ANNEXES 1 to 3

## **IARSCRÍBHINNÍ**

**a ghabhann leis an Togra le haghaidh**

**RIALACHÁN Ó PHARLAIMINT NA hEORPA AGUS ÓN gCOMHAIRLE**

**maidir le leas madraí agus cat agus a n-inrianaitheacht**

## **IARSCRÍBHINN I**

### **Ceanglais atá infheidhme maidir le bunaíochtaí**

(de bhun Airteagal 11 go hAirteagal 15)

#### **1. Beathú**

- 1.1. Cuirfidh an t oibreoir na minicíochtaí beathaithe a leanas chun feidhme:
  - (a) beathófar cait agus madraí fásta dhá uair sa lá;
  - (b) beidh rochtain ad libitum ag madraí baineann agus ag cait bhaineann atá torrach ar bheatha;
  - (c) beathófar coileáin faoi bhun 8 seachtaine d'aois 5 huaire sa lá ar a laghad;
  - (d) beathófar piscíní faoi bhun 12 sheachtain d'aois 4 huaire sa lá ar a laghad.
- 1.2. Beathófar gach coileán nó piscín nuabheirthe le gruth buí óna madra baineann nó óna gcat baineann le linn na chéad dá lá dá saol.
- 1.3. Má tá an madra baineann nó an cat baineann tinn nó mura bhfuil sí in ann a sliocht a bheathú ar shlí eile, soláthróidh an t-oibreoir bainne ó mhadraí baineann agus ó chait bhaineanna eile ag an ngabháltas céanna chomh maith le foirmlí bainne forlíontacha atá saincheaptha le haghaidh coileán agus piscíní leis an minicíocht beathaithe mar a threoraíonn táirgeoir na foirmle nó tréidlia, go dtí go mbíonnann scoitheadh tagtha chun críche.
- 1.4. Áiritheoidh an t-oibreoir go bhfuil dóthain bainne á fháil ag gach coileán agus piscín nár baineadh fós den diúl chun meáchan coirp a mhéadú ar bhonn seasta.
- 1.5. Déanfar scoitheadh le beatha dhaingean a thabhairt isteach de réir a chéile, i bpróiseas nach giorra ná 7 lá agus ní chríochnófar é roimh 6 seachtaine d'aois le haghaidh coileán agus piscíní araon.

#### **2. Tithíocht**

##### **2.1. Teocht:**

Áiritheoidh oibreoirí go gcoimeádfar an teocht laistigh de raon díobh seo a leanas:

- (a) 10 go 26°C sna limistéir faoi dhíon ina gcoimeádtar madraí fásta;
- (b) 15 go 26°C sna limistéir faoi dhíon ina gcoimeádtar cait fhásta;
- (c) 22 go 28°C i limistéir bhreithe don chéad 10 lá de shaol na gcoileán;
- (d) 18 go 27°C i limistéir bhreithe piscíní don chéad 21 lá de shaol na bpiscíní.

Déanfar raonta teochta a oiriúnú dá réir sin d'ainmhithe de phór/de chineál gearrchinn agus d'ainmhithe a bhfuil fíorchineálacha cótaí acu (pórtha gan ghruaig nó pórtha le brat trom gruaige orthu).

##### **2.2. Soilsiú**

2.2.1. I gcás inarb infheidhme, soláthrófar soilsiú saorga ar feadh tréimhse is comhionann ar a laghad leis an tréimhse solais nádúrtha a bhíonn ar fáil de ghnáth idir 9 a.m. agus 5 p.m.

2.2.2. Beidh solas saorga ina speictream leathan nó ina speictream iomlán.

2.2.3. Beidh an soilseas 50 lux ar a laghad ag airde chinn ainmhí.

2.2.4. Beidh an deis ag ainmhithe fanacht sa dorchadas ar feadh 8 n-uaire an chloig ar a laghad in aghaidh an lae.

### 2.3. Liúntais spáis

2.3.1 Íoslíúntais spáis do mhadraí agus do chait (limistéar iomlán inrochtana, lena n-áirítear spás laistigh agus spás teoranta lasmuigh dá dtagraítear in Airteagal 11(5) i gcás inarb ábhartha):

| Meáchan beo                                    | Achar in aghaidh an ainmhí | Le haghaidh gach ainmhí fásta breise nó le haghaidh madraí bainneanna agus cait bhaineanna a bhfuil ál acu | Íosairde (I gcás ina mbíonn siad faoi dhíon) |
|------------------------------------------------|----------------------------|------------------------------------------------------------------------------------------------------------|----------------------------------------------|
| Madraí is lú ná 10kg nó is lú ná sin agus cait | 4 m <sup>2</sup>           | + 2 m <sup>2</sup>                                                                                         | 1.80 m                                       |
| Madraí is mó ná 10 kg agus is lú ná 20 kg      | 6 m <sup>2</sup>           | + 3 m <sup>2</sup>                                                                                         |                                              |
| Madraí is mó ná 20 kg agus is lú ná 30 kg      | 8 m <sup>2</sup>           | + 4 m <sup>2</sup>                                                                                         |                                              |
| Madraí is mó ná 30 kg                          | 10 m <sup>2</sup>          | +5 m <sup>2</sup>                                                                                          |                                              |

2.3.2. Ní mór an peann breithe a chur ar fáil agus a dhearadh chun ligean don mhadra bainneann bogadh ar shiúl óna coileáin.

2.3.3. Má tá níos mó ná madra nó cat amháin in aon chró amháin, ní mór d'oibreoirí a áirithiú trí bhearta sonracha a dhéanamh (e.g. painéil dheighilte) nach bhfuil na hainmhithe sin ina mbagairt ar a chéile mar gheall ar iompar ionsaitheach.

## 3. Sláinte

- 3.1. Ní phóraítear cait bhaineanna ach amháin má tá siad 12 mhí d'aois ar a laghad;
- 3.2. Ní phóraítear cait bhaineanna ach amháin má tá siad 18 mí d'aois ar a laghad;
- 3.3. Ceadóidh oibreoirí suas le 3 hál in aghaidh an mhadra bhaininn nó in aghaidh an chait bhaininn laistigh de thréimhse 2 bhliain.
- 3.4. Tar éis 3 thoircheas as a chéile a raibh ál mar thoradh orthu ag madra nó ag cat bainneann laistigh de thréimhse 2 bhliain, áiritheoidh oibreoirí tréimhse téarnaimh trí thoircheas an mhadra bhaininn nó an chait bhaininn a chosc ar feadh tréimhse 1 bhliain ar a laghad.

## 4. Riachtanais iompair

- 4.1. Áiritheoidh na hoibreoirí an méid seo a leanas:

- (a) sa chéad 15 seachtaine d'aois, bíonn deiseanna rialta ag coileáin agus ag piscíní teagmháil shóisialta a dhéanamh lena gcoinspeicigh agus le daoine, agus, más féidir, le hainmhithe eile;
- (b) i gcás ina gcuirtear cait agus madraí fásta i gcathanna nó i gconchróite, cuirtear sóisialú le daoine ar fáil, go háirithe trí chuairteanna rialta agus trí theagmháil leis na hainmhithe;
- (c) limistéir ina gcoimeádtar cait agus madraí feistithe le struchtúir agus míreanna saibhrithe atá inrochtana do gach ainmhí, a sholáthraíonn timpeallacht spreagúil, agus a laghdaíonn frustrachas ainmhithe;
- (d) ní dhéanfar coileáin a scaradh na máithreacha go brách roimh aois 8 seachtaine;
- (e) ní dhéanfar piscíní a scaradh óna máithreacha go brách roimh aois 12 sheachtain.

## **IARSCRÍBHINN II**

### **Sainaithint agus clárú madraí agus cat**

(de bhun Airteagal 17)

Comhlíonfaidh trasfhreagróirí a úsáidtear chun cat agus madraí a mharcáil mar a cheanglaítear in Airteagal 16 na ceanglais seo a leanas:

- (a) beidh uimhir aitheantais aonair, neamh-in athchláraithe agus neamh-in-athchláraithe sa mhicrishlis;
- (b) sainaithneofar leis an uimhir aitheantais tír thionscnaimh an ainmhí;
- (c) beidh struchtúr chód agus coincheap teicniúil na sainaitheanta radaimhinicíochta i gcomhréir le caighdeán ISO 11784 agus 11785;
- (c) déanfar meastóireacht ar chomhlíonadh chaighdeán ISO 11784 agus 11785 i gcomhréir le caighdeán ISO 24631.

### **IARSCRÍBHINN III**

#### **Bailiú sonraí**

(de bhun Airteagal 20)

1. Líon na madraí agus na gcat a gcuirtear micrishlis iontu in aghaidh na bliana mar a thagraítear dó in Airteagal 17;
2. Líon na n-ionad pórúcháin a formheasadh in aghaidh na bliana dá dtagraítear in Airteagal 16.